

MUSCHLE

Urs Hofer/Schifer Schafer/Dänu Extrem

Woni hüt morge uufg'schtange bi, -
U gäng no totau verpennt bim z'Morge bi g'sie, -
da g'höre n'i us em Radio
es sigi scho wieder Chrieg - i weiss nüm wo..
Bim Wätter heisi g'seit es rägni de bald, -
U überhoupt - im augemeine wärdi's wieder cheibe chalt. -

Drufabe bini use u ha d's Tram verpasst, -
Aber uf em Velo bini fasch vergast, -
i hamer Zytig g'hout u was liseni da,
Chrankekasse u Bänzin söue scho wieder uufschlasa,
da hani bimer `dänkt itz längt's mer de gly, -
o chönnti nume einisch öppis anders si, -

Weni e Muschle wär, de täti eifach zue..
Weni e Muschle wär, de hätti mini Rueh..
Weni e Muschle wär, de täti eifach zue..
Weni e Muschle wär, de hätti mini Rueh..

I würd im Meer bädle schüsch täti gar nüt, -
i müesst nie uf d's Tram, i wüsst überhoupts nüt vo Zyt, -
i müesst nie ga chrampfe u i bruucht ke Gäut,
und i wüsst vo nüt, vo däm ganze G'schtürm uf dere Wäut,
i wär i mim Hüsli u hätt mini Rueh, -
i wär geng drinn und i chiemti nie druus, -

Weni e Muschle wär, de täti eifach zue..
Wenni e Muschle wär, de hätti mini Rueh..
Weni e Muschle wär, de täti eifach zue..
Wenni e Muschle wär, de hätti mini Rueh..

Weni der Polo wär, de wäri immer zue..
Weni der Polo wär, de hätti ja glych ke Rueh..

Weni e Muschle wär, de täti eifach zue..
Wenni e Muschle wär, de hätti mini Rueh..

hätti mini Rueh.. hätti mini Rueh.. hätti mini Rueh..
hätti mini Rueh.. hätti mini Rueh.. hätti mini Rueh..